



Gou Hozhaenz Fwj

Vunzraeuz bouxboux cungj hozhaenz saek yiengh doxgaiq, miz vunz hozhaenz boux miz cienz lailai, miz vunz hozhaenz bouxdoengzhag cingzcik maenhndei……Danhseih gou ne, ceiq hozhaenz doenghgi j fwj hausaksak youq gyang mbwn mbin bae mbin dauq.

Mwngz itdingh cam gou vihmaz hozhaenz fwj, neix gou youq gizneix lwnh hawj mwngz dingq ba. Gou dwg boux siujhagseng ndeu, seizneix doeg haj nienzgaep, haeuj nienzgaep sang lo, deng hag saw lai lai, govnz, cihsiz hix lai naek lai hoj, ngoenzngoenz cungj lij miz cozyez haemq lai. Cuengqhag ma ranz, gou cungj raen baenzdong cozyez le simnyap lai. Vunzraeuz cungj miz seiz mbouj angq. Mizseiz deng lauxsae ndaq, caeuq doengzhag doxceng, daengzlaeng cungj simnyap simyou ndwi. Hw! Gou

muengh gou ndaej lumj fwj ityiengh mbouj rox simfanz, mbouj miz saehyou, mbouj you mbouj fanz nei mbin bae mbin dauq, da yawj roengz gwnzdeih baihlaj raen sengmingh mwnhoengh rengzrdw neix.

Gangj caen, gou mboujdan hozhaenz fwj mbouj nyap mbouj fanz, vanzlij hozhaenz de caih youq caih bae. Gou dwg boux hagseng nienzgaep sang, couh ngoenzngoenz deng youq ndaw hagdangz, caemsim hwnj ndei moix dangz goq, roengzdangz le naengh youq dieгнаengh guh cozyez, miz saek seiz ndaej yawj aen cauhcangz ndit rongh ndei haenx yaep ndeu, hix raen sim' angq lai lo. Cuengqhag dauq ranz le, guh bouxgvai dingq vah bohme, haenqrengz guh cozyez; cozyez guh liux le lij deng hag haujlai doxgaiq wnq. Couh yienghneix le, ngoenz liux ngoenz dem, bi liux bi

dem, duenh lwnyez hong nyaengq guh mbouj liux neix couh gvaqbae lo. Yienznaeuz baenzneix guh ngoenzngoenz cungj gvaq ndaej saeh rim sim ndaet, gou hix rox neix doiq gou ndei, danhseih gou vanzlij maqmuengh swjgeij lai ndaej gag gaemguenj di, ndaej gag guenj saeh swheij, couh lumj fwjhau siengj bae Baekging yawj Singzraez Fanh Leix couh bae Baekging; naemj bae Gyanghsuh yawj gingj couh bae Gyanghsuh; yaek caeuq gyoengq bouxdohi guhghemhndoij couh guh; siengj gag youq mbouj ning le yawj aen seiqgyaiq gyaundeix neix couh yawj. Fwj siengj bienq baenz duzyiengz couh bienq; siengj bienq baenz duzdouq hau couh bienq……Gou hix maqmuengh guh cozyez ndei caez le, lij miz di hoengq okbae youz, bae yawj aen seiqgyaiq gyaundeix neix.

Gou hozhaenz fwj mbouj you mbouj fanz, hozhaenz fwj caih youq caih bae, gou lij hozhaenz fwj seizlawz cungj ndaej doek raemxwn hawj vunzlai, hozhaenz fwj seizlawz cungj ndaej hawj vunzlai angqfaengz, hozhaenz fwj……

Fwj gvaq ndaej ndei yinx gou hozhaenz. Danhseih gou hix rox, mbouj miz bouxlawz ndei caez, hix mbouj miz cungj saedcej lawz ndei caez. Vunzraeuz mbouj ndaej hozhaenz ndwi, vanzlij aeu gyaep ndaej gi j doxgaiq hawj raeuz hozhaenz haenx, caemhcai ciuq aen fuengyiengq haenx bae haenqrengz guh. Gou gag saenq, langhnaeuz gou haenqrengz hagsib, daengzcog baenz boux doiq vunzlai miz yungh haenx, daengz seizhaenx, mbangj fwj hix hozhaenz gou bw!

(Bungz Yizvwnz)

“Gijgwn Ndei”

“Lwg ha, ngoenz neix gou cawx di baeu ndeu daeuj, yaepdem raeuz naengj duz gwn!” Daxmeh angqfaengz le riuj daeh baeu ndeu baenzneix naeuz. Ndei lai! Gou ceiq gyaep gwn la! Baez ngeix gi j nohbaeu youh singisien youh baenzgwn, gi j gyaepbaeu noh biz mbouj raen nyinx, gou couh ndwnj myaiz gyoeggyoeg bae. Gou naihsim caj bat baeu naengj ndei le hoengz lumj makdoengj nei, muengh bae muengh dauq couh muengh vaiq di ndaej gwn gi jgwn ndei neix.

Daxmeh goeb aen vanj ndeu coq ndaw cauq bae, ronq geij gep hing, swiq gi j coeng bok ndei haenx seuq bae, hai le gaiqgven meizgi. Gou raen geizheih couh yawj le doenghduz lix ndaw bwnzraemx neix, gyoengqde aj bak ning nyauj, boq fugfauz okdaej, angqfaengz benz bae benz dauq. Gyoengqde cien naemj fanh ngeix hix ngeix mbouj daengz, swheij yaek dai lo……

Gou sawqmwh raen mizdi dawzcoih: Raeuz vihliux ndaej gwn gi j baenzgwn, couh oemq doenghduz lix neix dai bae, yakrwx lai. Gou vanzlij mbouj rox baenzlawz guh, simnae simnaiq, danhseih gyoengq baeu de senq deng faj fwngz hung daxmeh vit haeuj ndaw rek bae lo.

Feizmbaw dawz mbouj dingz, yawj gvaq gaiq farek bohliiz bae, gou raen



gyoengq baeu ndaw rek indot lai bongh bae bongh dauq, cak hwnj cak roengz. Gvaq yaep ndeu, lwgda gyoengqde menhmenh bienq mong lo, daengx ndang menhmenh bienq hoengz, gi j saek mongheu haenx menhmenh mbouj raen lo, miz di gabaen menhmenh loeng ok. Neix daengz ndaw rek caemhrwk caez le, daxmeh gwet farek hwnj, heiqhom bongh haeuj ndaeng daeuj, baenz duz baenz duz baeunaengj baiz youq lajda, vanzlij miz dong “fwngz raek gen goeng” hung ndeu.

Seizneix, gou ngawzvaeg le yawj bat baeu hoengz lumj makdoengj neix, baenzlawz hix gwn mbouj roengz……

(Linz Hungzyij)

Siengjmuengh Ndwensam

Ndit bienq ndat lo. Rumz goj deng nditndat dak ndaej raeujrubub bae, singfwen duzbid goj deng dak ndaej raeujrubub bae——Seizlawz duzbid guhfwen hwnjdaej lune?

Faexraeu maj ok haujlai haujlai mbawfaex gyaemqhoengz gyaemqhoengz.

Gaeulwggva goj ok ndokvahenj baenz duj baenz duj hunghung bae.

Song go haeuxdaeq gou ndaem youq ndaw gyanggumh de, maj ok mbaw daihhaj lo. Naed ngveihlwgnganx ndaemndongq gou ndaem de, ngoenzneix, de goj did nyod ok

gwnznmh daeuj lo.

Hoeng, naed duhbab gou ndaem doekgonq de, guhlawz lij caengz maj okdaej ne? Gou muengh de maj okdaej rouz di raixcaix. Daengzcog baenz duhbab le, mbouj hoj cawj cug goj gwn ndaej go. Gou mbaet cungj duh neix hawj daxmeh, daxmeh angqfaengfaeng! De haengjdingh haenh gou——Gvai gvaq beixmbauq. Aenvih, gou ndaem baenz le cungj duhbab mbouj hoj cawj cug cix gwn ndaej neix.

(Daj 《Bonjsei Sim Lwngnyez》(Veiz Gizlinz raiz) senj okdaej, Lwgfwnzgmeh/卢奋长 hoiz)

